

অধ্যায়-৪

জাতিসংঘ (ইউএন) এবং বিশ্বশান্তি

SOS

অতি সংক্ষিপ্ত প্রশ্নোত্তর :

*** ১। জাতিসংঘ কী?

বাকশির্বো- ১২,১৪,১৪'পরি

উত্তর : জাতিসংঘ বা রাষ্ট্রপুঞ্জ একটি আন্তঃসরকারি সংস্থা। যার বিবৃত উদ্দেশ্য হল আন্তর্জাতিক শান্তি ও নিরাপত্তা বজায় রাখা, জাতিসমূহের মধ্যে বন্ধুত্বপূর্ণ সম্পর্ক গড়ে তোলা, আন্তর্জাতিক সহযোগিতা অর্জন করা এবং জাতিসমূহের কর্মকাণ্ডকে সমন্বয় করার কেন্দ্র হিসেবে কাজ করা।

*** ২। ভেটো কী? কে কখন এটা প্রয়োগ করে?

বাকশির্বো- ২০২৪, ২৫

উত্তর : নিরাপত্তা পরিষদের সিন্ধান্তের বিরুদ্ধে এর কোনো স্থায়ী সদস্যের বিরোধিতাকে ভেটো বলে। নিরাপত্তা পরিষদের স্থায়ী ৫টি সদস্য যে কোনো সময় নিরাপত্তা পরিষদের সিন্ধান্তের বিরুদ্ধে এটা প্রয়োগ করতে পারে।

*** ৩। জাতিসংঘের শাখা কয়টি ও কী কী?

উত্তর : জাতিসংঘের শাখা ৬টি। যথা :

- সাধারণ পরিষদ।
- নিরাপত্তা পরিষদ।
- অর্থনৈতিক ও সামাজিক পরিষদ।
- অছি পরিষদ।
- আন্তর্জাতিক আদালত।
- সেক্রেটারিয়েট।

**** ৪।** জাতিসংঘের বর্তমান সদস্য সংখ্যা কত?

বাকশিবো- ২০২৫

উত্তর : জাতিসংঘের বর্তমান সদস্য সংখ্যা ১৯৩ টি।

***** ৫।** সার্ক (SAARC) কী?

বাকশিবো- ২০২৫

উত্তর : SAARC এর পূর্ণনাম হলো South Asian Association for Regional Co-operation বা দক্ষিণ এশীয় আঞ্চলিক সহযোগিতা সংস্থা। ১৯৮৫ সালে দিল্লি বৈঠকের মাধ্যমে সার্ক আনুষ্ঠানিকভাবে জন্মলাভ করে। কৃষি, আবহাওয়া, শিল্প, সংস্কৃতি ইত্যাদি ক্ষেত্রে সহযোগিতার জন্য সার্ক গঠিত হয়।

**** ৬।** জাতিসংঘের নিরাপত্তা পরিষদে স্থায়ী সদস্য কত?

উত্তর : জাতিসংঘের নিরাপত্তা পরিষদে স্থায়ী সদস্য ৫ জন।

***** ৭।** জাতিসংঘের নিরাপত্তা পরিষদের স্থায়ী সদস্য দেশগুলোর নাম লেখ।

উত্তর : জাতিসংঘের নিরাপত্তা পরিষদের স্থায়ী সদস্য দেশগুলো হলোঃ মার্কিন যুক্তরাষ্ট্র, ব্রিটেন, ফ্রান্স, রাশিয়া এবং চীন।

***** ৮।** কমনওয়েলথ কী? কোন সংস্থাকে কমনওয়েলথ বলা হয়?

উত্তর : ব্রিটিশ উপনিবেশিক শাসন হতে মুক্ত হয়ে স্বাধীন ও সার্বভৌম রাষ্ট্রগুলোর সমন্বয়ে কমনওয়েলথ গঠিত। এ সংস্থার রাষ্ট্রগুলো পারস্পারিক মৈত্রী ও সহযোগিতার বন্ধনে আবদ্ধ। কমনওয়েলথ এর সদর দপ্তর ইংল্যান্ডে।

*** ৯। IMF, OIC, WHO, IBRD, ILO কী?

উত্তর : IMF : International Monetary Fund (IMF) হলো আন্তর্জাতিক অর্থ তহবিল যা জাতিসংঘের সহকারী সংস্থা। বাকাশিবো-২০২৫

OIC : Organization of Islamic Conference হলো ইসলামি সম্মেলন সংস্থা যার মূল উদ্দেশ্য হলো মুসলমান রাষ্ট্রের মধ্যে পারস্পারিক সহযোগিতা।

WHO : World Health Organization হলো জাতিসংঘের একটি স্বাস্থ্য উন্নয়নমূলক সংস্থা। যা ১৯৪৮ সালের ৭ এপ্রিল সুইজারল্যান্ডের জেনেভায় স্থাপন করা হয়।

IBRD : International Bank for Reconstruction and Development or World Bank জাতিসংঘের অন্তর্ভুক্ত সদস্য দেশসমূহের মধ্যে উন্নয়নশীল দেশগুলোর জন্য অর্থনৈতিক পুনর্গঠনের জন্য ১৯৪৬ সালে বিশ্বব্যাংক প্রতিষ্ঠা করা হয়।

ILO : International Labour Organization এর উদ্দেশ্য হলো শ্রমের অবস্থার উন্নতি, জীবনযাত্রার মান উন্নয়ন, সামাজিক ও অর্থনৈতিক স্থায়িত্ব সুগঠিত করা।

*** ১০। বাংলাদেশ কবে জাতিসংঘের সদস্য পদ লাভ করে? বাকাশিবো-২৩

উত্তর : ১৯৭৪ সালের ১৭ সেপ্টেম্বর বাংলাদেশ জাতিসংঘের সদস্য পদ লাভ করে।

SOS**সংক্ষিপ্ত প্রশ্নোত্তর :**

*** ১। জাতিসংঘ কী? সংক্ষেপে উত্তর দাও।

উত্তর : জাতিসংঘ বা রাষ্ট্রপুঞ্জ একটি আন্তঃসরকারি সংস্থা। যার বিবৃত উদ্দেশ্য হল আন্তর্জাতিক শান্তি ও নিরাপত্তা বজায় রাখা, জাতিসমূহের মধ্যে বন্ধুত্বপূর্ণ সম্পর্ক গড়ে তোলা, আন্তর্জাতিক সহযোগিতা অর্জন করা এবং জাতিসমূহের কর্মকাণ্ডকে সমন্বয় করার কেন্দ্র হিসেবে কাজ করা। জাতিসংঘ ১৯৪৫ সালের ২৪ অক্টোবর জন্মলাভ করে। এর সদর দপ্তর আমেরিকার নিউইয়র্ক শহরে। বর্তমানে এর সদস্য সংখ্যা ১৯৩।

*** ২। ওআইসি এর শাখাগুলো কী কী?

উত্তর : ওআইসি এর শাখাগুলো নিম্নরূপ :

১. ইসলামি শীর্ষ সম্মেলন।
২. সাধারণ সচিবালয়।
৩. পররাষ্ট্র মন্ত্রী সম্মেলন।
৪. ইসলামি আন্তর্জাতিক আদালত।

*** ৩। বিশ্বশান্তি প্রতিষ্ঠায় জাতিসংঘে বাংলাদেশের ভূমিকা বর্ণনা কর।

উত্তর : ১৯৭৪ সালে বাংলাদেশ জাতিসংঘের সদস্যপদ লাভ করে বিশ্বশান্তি এবং বিশ্বের উত্তেজনা হ্রাসের জন্য উল্লেখযোগ্য ভূমিকা পালন করে আসছে। ইরাক- ইরান যুদ্ধাবসান, আফ্রিকার ও ল্যাটিন আমেরিকার জাতীয়তাবাদী মানুষের মুক্তির জন্য ও দক্ষিণ আফ্রিকার শ্বেতাঙ্গদের বর্ণ বৈষম্যবাদের বিরুদ্ধে বাংলাদেশ যথাযথ ভূমিকা গ্রহণ করেছে। এছাড়া অর্থনৈতিক ও

সামাজিক আন্দোলনে বাংলাদেশ জাতিসংঘের বিভিন্ন বিভাগকে ব্যাপকভাবে সমর্থন দিয়ে গুরুত্বপূর্ণ ভূমিকা পালন করে যাচ্ছে।

**** ৪। জাতিসংঘের লক্ষ্য ও উদ্দেশ্য বর্ণনা কর।**

বাকাশিবো-২০২৪

উত্তর : জাতিসংঘের উদ্দেশ্যসমূহ হলো :

- ১) আন্তর্জাতিক শান্তি ও নিরাপত্তা বজায় রাখা।
- ২) বিভিন্ন জাতিসমূহের মধ্যে বন্ধুত্বপূর্ণ সম্পর্ক বজায় রাখা।
- ৩) আন্তর্জাতিক বিবাদ শান্তিপূর্ণ উপায়ে আন্তর্জাতিক আইন অনুযায়ী মীমাংসা করা।
- ৪) আন্তর্জাতিক ভিত্তিতে অর্থনৈতিক, সামাজিক, সাংস্কৃতিক ও মানবিক সমস্যাগুলো সমাধান করা।
- ৫) মানুষের সমঅধিকার এবং সকল জাতি ও সংবাদপত্রের মৌলিক অধিকার রক্ষা করা।
- ৬) শিক্ষা, চিকিৎসা, দরিদ্রতা ইত্যাদি দূরীকরণে সচেষ্ট থাকা।

**** ৫। পূর্ণরূপ লেখ। NATO, ILO, FAO, UNESCO, UNICEF, WHO, IBRD, ASEAN, EEC, IMF, OIC, SAARC, UO.**

উত্তর : NATO : North Atlantic Treaty Organization.

ILO : International Labour Organization.

FAO : Food and Agriculture Organization.

UNESCO : United Nations Educational Scientific and Cultural Organization.

UNICEF : United Nations International Children's Emergency Fund.

WHO : World Health Organization

IBRD : International Bank for Reconstruction and Development or World Bank

ASEAN : Association of South East Asian Nations.

EEC : European Economic Community

IMF : International Monetary Fund.

OIC : Organization of Islamic Conference

SAARC : South Asian Association for Regional Co-operation

UNO : United Nations Organization.

***** ৬। জাতিসংঘের নিরাপত্তা পরিষদের কাজগুলো কী কী?**

উত্তর : নিরাপত্তা পরিষদ যে সব কাজ করে তা নিম্নে দেওয়া হলো-

- ১) আন্তর্জাতিক শান্তি ও নিরাপত্তা বজায় রাখা।
- ২) আঞ্চলিক সংস্থার ব্যবহার।
- ৩) অছি পরিষদের সহায়তা
- ৪) শান্তিভঙ্গকারীর বিরুদ্ধে ব্যবস্থা।
- ৫) অবরোধ সৃষ্টি।

*** ৭। আন্তর্জাতিক আদালতের গঠনপ্রণালি বর্ণনা কর।

উত্তর : আন্তর্জাতিক আদালত হলো নেদারল্যান্ডের হেগে অবস্থিত জাতিসংঘের বিচারালয়। ১৯৪৫ সালে আদালতটি প্রতিষ্ঠিত হয়। ১৫ জন বিচারকের সমন্বয়ে এ আদালত গঠিত। বিচারকদের মেয়াদকাল ৯ বছর। বিচারকদের মধ্যে একজন সভাপতি তিন বছরের জন্য নির্বাচিত হন। জাতিসংঘের যে কোনো সদস্য রাষ্ট্র অন্য সদস্য রাষ্ট্রের বিরুদ্ধে আন্তর্জাতিক আদালতে বিচারপ্রার্থী হতে পারে।

*** ৮। জাতিসংঘের নিরাপত্তা পরিষদের কার্যাবলি বর্ণনা কর।

উত্তর : নিরাপত্তা পরিষদ নিম্নোক্ত কাজ করে থাকে।

১) বিশ্বশান্তি রক্ষাঃ নিরাপত্তা পরিষদ আলাপ আলোচনা ও তদন্তের মাধ্যমে বিশ্বশান্তি রক্ষায় অগ্রণী ভূমিকা রাখে। জাতিসংঘের সকল সদস্যরাষ্ট্র নিরাপত্তা পরিষদের যে কোনো সিদ্ধান্ত মানতে বাধ্য থাকে।

২) সামরিক সংক্রান্ত : এটি যুদ্ধরত বা বিবাদমান রাষ্ট্রগুলোর মধ্যে যুদ্ধ বিরতিসহ যে কোনো ব্যবস্থা গ্রহণ করে থাকে। প্রয়োজনে সামরিক ব্যবস্থাও গ্রহণ করতে পারে।

৩) অর্থনৈতিক অবরোধঃ নিরাপত্তা পরিষদ বিশ্বশান্তি ও নিরাপত্তার খাতিরে কোনো রাষ্ট্রে অর্থনৈতিক অবরোধ করে থাকে।

৪) অছিগিরি সংক্রান্তঃ এটা বিশ্বের কোনো কোনো এলাকার রাজনৈতিক, অর্থনৈতিক ও সামাজিক কার্যাবলি পরিচালনা করে থাকে। অনুন্নত দেশকে উন্নত রাষ্ট্রে পরিণত করা অছিগিরি করার উদ্দেশ্য।

৫) পরিকল্পনা প্রণয়নঃ নিরাপত্তা পরিষদ বিশ্বশান্তি, যুদ্ধবিরতি ও অস্ত্রনিয়ন্ত্রণের সাথে বিভিন্ন পরিকল্পনা প্রণয়ন ও তা কার্যকরী করে থাকে।

৬) বার্ষিক কার্যবিবরণী পেশঃ এটা স্বীয় কার্যক্রমের বার্ষিক ও বিশেষ রিপোর্ট প্রস্তুত করে সাধারণ পরিষদে পেশ করে থাকে।

৭) নিয়োগ সংক্রান্তঃ জাতিসংঘের নতুন সদস্য গ্রহণ বহিষ্কার এবং মহাসচিব নিয়োগ, আন্তর্জাতিক আদালতের বিচারক নিয়োগ ইত্যাদি বিষয়ে নিরাপত্তা পরিষদ সাধারণ পরিষদের নিকট সুপারিশ করে থাকে।

SOS

রচনামূলক প্রশ্নোত্তর :

*** ১। জাতিসংঘ কী? জাতিসংঘের প্রধান কার্যাবলি বর্ণনা কর।

বাকাশিবো- ২০২৩

উত্তর : দ্বিতীয় মহাযুদ্ধের পর ১৯৪৫ সালে লীগ অব নেশনস এর সমাধির পর বিশ্বশান্তি ও নিরাপত্তার উদ্দেশ্যে প্রতিষ্ঠিত হয় যা জাতিপুঞ্জ বা জাতিসংঘ নামে পরিচিত।

জাতিসংঘের প্রধান কার্যাবলি :

১) আন্তর্জাতিক নিরাপত্তা ও শান্তি বিধানমূলক কার্যাবলি : ১১-১৩নং ধারায় সাধারণ সভাকে আন্তর্জাতিক শান্তি ও নিরাপত্তা বিষয়ে আলোচনা ও সুপারিশ করার ক্ষমতা আছে।

২) মানবাধিকার সংরক্ষণমূলক কার্যাবলি : আন্তর্জাতিক মানবাধিকার বিষয়ে সাধারণ সভাকে গুরুত্বপূর্ণ দায়িত্ব পালন করতে হয়।

৩) ঐক্য প্রতিষ্ঠার কার্যাবলি : সনদের বক্তব্য অনুযায়ী আন্তর্জাতিক শান্তি ও নিরাপত্তা রক্ষার ক্ষেত্রে সাধারণ সভা সুপারিশ পেশ করতে পারে।

৪) নির্বাচনমূলক কার্যাবলি : জাতিসংঘ পরিষদের অস্থায়ী ১০ জন সদস্যকে নির্বাচন করে। ৬৪ (১) ধারা মতে, অর্থনৈতিক ও সামাজিক পরিষদের ৫৪ জন সদস্য নির্বাচিত করা এ সভার কাজ।

- ৫) আর্থিক ও বাজেট সংক্রান্ত কার্যাবলি : সনদের ৫৭নং ধারা মতে, আন্তঃসরকারি চুক্তি অনুসারে অর্থনৈতিক, সামাজিক, সাংস্কৃতিক, শিক্ষা, স্বাস্থ্য এবং সংশ্লিষ্ট বিষয়ে আর্থিক বাজেট অনুমোদন করে।
- ৬) প্রতিবেদন বিবেচনা কার্যাবলি : সনদের ১৫নং ধারা মতে, জাতিসংঘের বিভিন্ন সংস্থার প্রেরিত প্রতিবেদন গ্রহণ ও বিবেচনা করা এর অন্যতম কাজ।
- ৭) অছি সংক্রান্ত কার্যাবলি : অছি সংক্রান্ত চুক্তি অনুমোদন ও আন্তর্জাতিক অছি সংক্রান্ত কার্যাবলি সম্পাদন থাকে।
- ৮) সহযোগী সংস্থা গঠন : ২২নং ধারা মতে, জাতিসংঘকে আণবিক শক্তি কমিশন, যৌথ ব্যবস্থা গ্রহণ বিষয়ক কমিটি ইত্যাদি সংস্থা গঠনের গ্রহণের ব্যবস্থা করতে পারে।
- ৯) বিশ্ব মতামত প্রকাশের কার্যাবলি : ১০নং অনুচ্ছেদ অনুযায়ী সাধারণ পরিষদ যে কোনো বিষয়ে আলোচনা করতে পারে।
- ১০) সনদ সংশোধন কার্যাবলি : ১০৯নং ধারা মতে, জাতিসংঘ সংখ্যাগরিষ্ঠ সদস্যদের ভোট গ্রহণ করে যে কোনো সনদ সংশোধন করতে পারে।
- পরিশেষে বলা যায় যে, বিশ্বের সার্বিক শান্তি প্রতিষ্ঠায় জাতিসংঘ খুবই গুরুত্বপূর্ণ ভূমিকা পালন করে।

*** ২। জাতিসংঘের নিরাপত্তা পরিষদের কার্যাবলি সংক্ষেপে লেখ।

বাকশির্বো- ২০২৩, ২৫

উত্তর : নিরাপত্তা পরিষদ UNO-এর সর্বপেক্ষা গুরুত্বপূর্ণ শাখা। এটা জাতিসংঘের শাসন বিভাগস্বরূপ। জাতিসংঘের মাত্র ১৫টি রাষ্ট্র নিয়ে নিরাপত্তা পরিষদ গঠিত। এই ১৫টি রাষ্ট্রের মধ্যে ৫টি স্থায়ী সদস্য হলো- আমেরিকা, রাশিয়া, চীন, বৃটেন ও ফ্রান্স। অস্থায়ী ১০টি সদস্য বিশ্বের বিভিন্ন অঞ্চলের

জন্য সংরক্ষিত। তারা প্রতি দুই বছর অন্তর সাধারণ পরিষদ কর্তৃক নিযুক্ত হয়।

নিরাপত্তা পরিষদের কার্যাবলি :

১) **বিশ্বশান্তি রক্ষা :** নিরাপত্তা পরিষদ আলাপ আলোচনা ও তদন্তের মাধ্যমে বিশ্বশান্তি রক্ষায় অগ্রণী ভূমিকা রাখে। জাতিসংঘের সকল সদস্যরাষ্ট্র নিরাপত্তা পরিষদের যে কোনো সিদ্ধান্ত মানতে বাধ্য থাকে।

২) **সামরিক সংক্রান্ত :** এটা যুদ্ধরত বা বিবাদমান রাষ্ট্রগুলোর মধ্যে যুদ্ধ বিরতিসহ যে কোনো ব্যবস্থা গ্রহণ করে থাকে। প্রয়োজনে সামরিক ব্যবস্থাও গ্রহণ করতে পারে।

৩) **অর্থনৈতিক অবরোধ :** নিরাপত্তা পরিষদ বিশ্বশান্তি ও নিরাপত্তার খাতিরে কোনো রাষ্ট্রে অর্থনৈতিক অবরোধ করে থাকে।

৪) **অছিগিরি সংক্রান্ত :** এটা বিশ্বের কোনো কোনো এলাকার রাজনৈতিক, অর্থনৈতিক ও সামাজিক কার্যাবলি পরিচালনা করে থাকে। অনুন্নত দেশকে উন্নত রাষ্ট্রে পরিণত করা অছিগিরি করার উদ্দেশ্য।

৫) **পরিকল্পনা প্রণয়ন :** নিরাপত্তা পরিষদ বিশ্বশান্তি, যুদ্ধবিরতি ও অস্ত্রনিয়ন্ত্রণের সাথে বিভিন্ন পরিকল্পনা প্রণয়ন ও তা কার্যকরী করে থাকে।

৬) **বার্ষিক কার্যবিবরণী পেশ :** এটা কার্যক্রমের বার্ষিক ও বিশেষ রিপোর্ট প্রস্তুত করে সাধারণ পরিষদে পেশ করে থাকে।

৭) **নিয়োগ সংক্রান্ত :** জাতিসংঘের নতুন সদস্য গ্রহণ বহিষ্কার এবং মহাসচিব নিয়োগ, আন্তর্জাতিক আদালতের বিচারক নিয়োগ ইত্যাদি বিষয়ে নিরাপত্তা পরিষদ সাধারণ পরিষদের নিকট সুপারিশ করে থাকে।

নিরাপত্তা পরিষদ এভাবে বহুমুখী কার্যাদি সম্পাদন করে বিশ্বশান্তি ও সমৃদ্ধির লক্ষ্যে অবিরাম কাজ করে যাচ্ছে।